
MUNOSIB TUHFA

Shahrimizdagi "Zuxro" MFY hududida joylashgan 23-umumiy o'rta ta'lif maktabi jamoasi uchun esa bu yilgi bayram qo'shaloq keldi. Boisi joriy yilda 1296 o'ringa ega bo'lgan mazkur maktab binosi investitsiya dasturi asosida to'liq ta'mirdan chiqarilib, yangi o'quv yilida yangicha qiyofada o'quvchilar ixtiyoriga topshirildi. Maktab binosini to'liq rekonstruksiya qilish rejasiga ajratilgan 1 milliard 981 million so'm mablag' o'quv xonalarini mebel jihozlari bilan ta'minlash hamda ta'mirlash ishlariiga maqsadli sarf etildi.

Maktabning tantanali ochilish marosimida so'zga chiqqan viloyat hokimi o'rribbosari Dilshod Xojahmedov, shahar hokimi o'rribbosari Azizbek Abdullayev, maktab direktori Otabek Xomidov hamda "Zuhro" MFY raisi Mohiraxon Akbarovalar yig'ilganlarni shonli bayramimiz bilan samimiy qutlab, ta'lif maskanida o'quvchilar uchun yaratilgan barcha qulay shart-sharoitlar, ayniqsa yorug', shinam va bir-biridan bejirim o'quv xonalari haqida ma'lumot berdilar.

Zamonaviy dizayn asosida ko'rakam qiyofa kasb etgan mazkur maktab binosi yangi o'quv yiliga o'zgacha ishtiyoq hamda puxta bilim olish istagida qadam bosgan o'quvchilar uchun munosib tuhfa bo'ldi.

2017-10-06 10:10:30